

Na osnovu Uredbe o načinu dodjele prava za vadenje materijala iz vodotoka ("Službene novine Federacije BiH" broj 58/15) i Odluke o utvrđivanju potrebe za vadenjem materijala iz rijeke Drine, "Agencija za vodno područje rijeke Save" Sarajevo raspisuje

## JAVNI POZIV ZA DOSTAVLJANJE PONUDA ZA VAĐENJE MATERIJALA IZ RIJEKE DRINE

### 1. PREDMET JAVNOG POZIVA

Predmet ovog javnog poziva je dodjela prava za vadenje materijala i vadenje materijala iz vodotoka rijeke Drine na lokalitetu Perjani II u općini Goražde.

Na navedenom lokalitetu predviđen je obim potrebnih radova:

- Perjani II - 450 m<sup>2</sup>
- razlog vadenja materijala je: obezbjeđenje proticajnog profila, sprečavanje neželjenog meandriranja rijeke Drine sa erozionim procesima na obalama i preduzimanje preventivnih mjera zaštite od poplava.

Predviđeni rok početka vadenja materijala: po potpisu ugovora

Predviđeni rok završetka vadenja materijala: kraj kalendarske 2018. godine

Uslovi tehničke osposobljenosti izvođača radova su:

Bager utovarivač      1 komad  
Kiper kamion            1 komad

Podaci o izdatoj prethodnoj vodnoj saglasnosti:

UP - I / 25 - 1 - 40 - 278 - 3 / 18 od 12.06.2018. godine

### 2. USLOVI UČEŠĆA

- a. Ponuđač uz svoju ponudu treba dostaviti sljedeću dokumentaciju:
  - i. Naziv i tačnu adresu ponuđača
  - ii. Ovjeren izvod iz sudskog registra sa priložima iz kojih se vidi da je ponuđač registrovan za obavljanje predmetnih radova
  - iii. Uvjerenje o izmirenim poreskim direktnim i indirektnim obavezama sa stanjem uplata ne starijim od tri mjeseca od dana otvaranja ponuda
- b. Ponuđači trebaju uz ponudu dostaviti dokumentaciju kojom potvrđuju da ispunjavaju uslove tražene javnim pozivom za dostavu ponuda - Uslovi tehničke osposobljenosti izvođača radova
- c. Podugovaranje nije dozvoljeno.

### 3. DOSTAVLJANJE PONUDA

a. Ponude se dostavljaju na sljedeću adresu:

"Agencija za vodno područje rijeke Save" Sarajevo,  
ul.Hamdije Čemerlića 39a.

Original ponude treba biti otkucan ili napisan neizbrisivom tintom. Svi listovi ponude moraju biti čvrsto uvezani, sa označenim stranicama. Svi listovi ponude trebaju biti parafirani ili potpisani od osobe, odnosno osoba koje su ovlaštene da zastupaju ponuđača. Sve dopune i izmjene ponude moraju biti čitljive i parafirane od ovlaštenih osoba.

- b. Ponuđač dostavlja ponudu u originalu na kojoj će jasno pisati: «ORIGINAL PONUDA». Originalni ponude trebaju biti zapečaćeni u neprovidnoj koverti, sa pečatom ili potpisom ponuđača, imenom i adresom ponuđača, na kojoj će stajati:

**"PONUDA ZA VAĐENJE MATERIJALA IZ RIJEKE DRINE"**

- ne otvarati -

- c. Ponuđači mogu izmijeniti ili povući svoje ponude pod uslovom da se izmjene ili povlačenje ponude dogodi prije isteka roka za dostavljanje ponuda. "Agencija za vodno područje rijeke Save" mora biti obavještena u pisanoj formi i o izmjenama i o povlačenju ponuda prije isteka roka za podnošenje ponuda. Osim toga, na koverti u kojoj se nalazi izvjava ponuđača treba pisati sljedeće: «IZMJENE PONUDE» ili «POVLACENJE PONUDE».
- d. Rok za dostavljanje ponuda:
  - Krajnji rok za dostavljanje ponuda ističe 25.06.2018. godine, u 10:30 sati.
  - Otvaranje ponuda će biti u 25.06.2018. godine, u 12:00 sati.
  - Pozivaju se ovlaštene predstavnici ponuđača da prisustvuju javnom otvaranju ponuda, koje će se obaviti 25.06.2018. godine, u 12:00 sati u "Agenciji za vodno područje rijeke Save" Sarajevo, ul.Hamdije Čemerlića br. 39a/ VIII sprat, Velika sala.

### 4. KRITERIJI ZA DODJELU PRAVA ZA VAĐENJE MATERIJALA (UGOVOR)

Ugovor se dodjeljuje ponuđaču na osnovu kriterija, najvećeg iznosa ponudene - posebne vodne naknade (PVN) za vadenje materijala iz vodotoka, iz člana 170. stav 4. Zakona o vodama ("Službene novine Federacije BiH" broj 70/06), koji se plaća po m<sup>2</sup> izvađenog materijala, tehnički zadovoljavajuće ponude.

Visina ponudene posebne vodne naknade (PVN) za vadenje materijala iz vodotoka ne može biti niža od 1,5 KM/m<sup>2</sup> izvađenog materijala.

Ponuđači mogu ponuditi samo jednu cijenu. O cijeni se neće pregovarati.

### 5. OBAVEZE IZVOĐAČA RADOVA PRIJE POČETKA RADOVA

Prije vadenja materijala, izvođač radova je dužan:

- a. Pribaviti vodnu saglasnost,
- b. Osigurati izradu elaborata - dokumentacije koja se podnosi uz zahtjev za izdavanje vodne saglasnosti u skladu sa odgovarajućom odredbama Zakona o vodama i propisa iz člana 107. Zakona o vodama.
- c. Osigurati geodetske tačke početnog snimanja za kontrolu promjena nivelete korita i količina izvađenog materijala, i
- d. Rješiti pitanje imovinsko-pravnih odnosa pristupnog puta do lokacije vadenja materijala iz vodotoka i lokacije deponovanja izvađenog materijala.
- e. Ukoliko prvorangirani ponuđač prethodna pitanja ne rješiti do predviđenog roka početka vadenja materijala, pravo na vadenje materijala dodjeljuje se drugorangiranom ponuđaču.

### 6. OSTALE ODREDBE

- a. Odluku o odabiru najpovoljnije prijave svi ponuđači će dobiti, u svakom slučaju, najkasnije u roku od 3 (tri) dana od dana otvaranja prispjelih prijavi.
- b. U slučaju da dvije ili više prijavi imaju isti ponudeni iznos ugovor se zaključuje sa ponuđačem čija prijava je ranije zaprimljena.
- c. U slučaju da je nadležni organ u toku postupka nabavke izvršio povredu odredbi Zakona ili podzakonskih akata, imate pravo uložiti prigovor nadležnom organu, u roku od 5 (pet) dana od dana prijema Odluke.
- d. O prigovoru rješava direktor "Agencije za vodno područje rijeke Save" Sarajevo, u roku od 8 (osam) dana.
- e. Nepotpune i neblagovremene prijave neće se razmatrati
- f. Dodatne informacije mogu se dobiti na telefon 033 / 726 - 406 (Sektor za realizaciju projekata).

Prilozi:

- Obrazac za dostavljanje ponude

### OBRAZAC PRIJAVE PONUĐAČA

Naziv ponuđača \_\_\_\_\_

Ponuda br. \_\_\_\_\_

| Redni broj | Opis stavke                                | Visina PVN / m <sup>2</sup> |
|------------|--|-----------------------------|
| 1          | Visina ponudene posebne vodne naknade u KM |                             |

Slovima \_\_\_\_\_

Potpis dobavljača \_\_\_\_\_